



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅՈՒՆ
ՈՍՏԻԿԱՆՈՒԹՅԱՆ ՊԵՏ-ՆԵՐՔԻՆ ԳՈՐԾԵՐԻ ՆԱԽԱՐԱՐԻ ՏԵՂԱԿԱԼ**

Հ Ր Ա Մ Ա Ն

N 25 - L

**ԱՆՉԱՓԱՀԱՍՆԵՐԻ ՀԵՏ ՏԱՐԿՈՂ ԸՆԴՀԱՆՈՒՐ
ԿԱՆԽԱՐԳԵԼԻՉ ԱՇԽԱՏԱՆՔՆԵՐ ԻՐԱԿԱՆԱՑՆԵԼՈՒ ՄԱՍԻՆ**

Հիմք ընդունելով Հայաստանի Հանրապետության ներքին գործերի նախարարի 2023 թվականի մարտի 14-ի «Հայաստանի Հանրապետության ներքին գործերի նախարարության ոստիկանության կանոնադրությունը հաստատելու մասին» թիվ 4-Լ հրամանի 1-ին կետով հաստատված հավելվածի 19-րդ կետի 5-րդ ենթակետը՝

Հ Ր Ա Մ Ա Յ ՈՒ Մ Ե Մ

1. Հաստատել՝

1) անչափահասների հետ տարվող ընդհանուր կանխարգելիչ աշխատանքների իրականացման կարգը՝ համաձայն N 1 հավելվածի,


2) անչափահասների միջանձնային հարաբերությունների պարզաբանման դեպքերի կանխման աշխատանքների գրանցման մատյանի ձևը՝ համաձայն N 2 հավելվածի:

2. Հայաստանի Հանրապետության ներքին գործերի նախարարության տնտեսական վարչության պետին՝ կազմակերպել սույն հրամանի 1-ին կետի 2-րդ ենթակետով հաստատված մատյանի տպագրությունը:

3. Հրամանը ծանոթացնել Հայաստանի Հանրապետության ներքին գործերի նախարարության և Հայաստանի Հանրապետության ներքին գործերի նախարարության ոստիկանության իրավասու ծառայողներին և աշխատողներին:

4. Սույն հրամանն ուժի մեջ է մտնում հրապարակմանը հաջորդող օրվանից:

**ՈՍՏԻԿԱՆՈՒԹՅԱՆ
ԳԵՆԵՐԱԼ-ՄԱՅՈՐ**



Ա. ՀՈՎՀԱՆՆԻՍՅԱՆ
« 08 » 12 2024թ.
քաղ. Երևան

Կ Ա Ր Գ

**ԱՆՉԱՓԱՀԱՍՆԵՐԻ ՀԵՏ ՏԱՐՎՈՂ ԸՆԴՀԱՆՈՒՐ ԿԱՆԽԱՐԳԵԼԻՉ
ԱՇԽԱՏԱՆՔՆԵՐԻ ԻՐԱԿԱՆԱՑՄԱՆ**

1. Սույն կարգով կարգավորվում են անչափահասների կողմից և անչափահասների նկատմամբ կատարվող հանցագործությունների և իրավախախտումների ընդհանուր կանխարգելմանն ուղղված աշխատանքների իրականացման հետ կապված հարաբերությունները:

2. Անչափահասների կողմից և անչափահասների նկատմամբ կատարվող հանցագործությունների և իրավախախտումների ընդհանուր կանխարգելման շրջանակներում համայնքային ոստիկանության տարածքային ստորաբաժանման ծառայողը կատարում է հետևյալ աշխատանքները՝

1) կազմակերպում և իրականացնում է երեխաների իրավունքների իրազեկվածության բարձրացմանն ուղղված տարաբնույթ միջոցառումներ, գրույց-հանդիպումներ, դասընթացներ.

2) իրականացնում է պարտադիր կրթությունից դուրս մնացած երեխաների բացահայտմանն ու դասերի ընթացքում դասապրոցեսին չմասնակցող երեխաների հայտնաբերմանն ուղղված աշխատանքներ.

3) իրականացնում է անչափահասների շրջանում թմրամիջոցների և հոգեմետ (հոգեներգործուն) նյութերի ապօրինի շրջանառության, թմրամիջոցների և հոգեմետ (հոգեներգործուն) նյութերի գործածման կանխարգելման, ինչպես նաև թմրամոլության կանխարգելման համար անհրաժեշտ տեղեկությունների, հմտությունների, գործողությունների վերաբերյալ դասընթացներ ծնողների և մանկավարժական կոլեկտիվների հետ.

4) շահագրգիռ գործընկերների աջակցությամբ նախաձեռնում և անցկացնում է անչափահասներին հանրօգուտ գործունեության, սպորտային և այլ խմբակային խաղերի մեջ ներգրավելու աշխատանքներ.

5) շաբաթական առնվազն երկու անգամ՝ մինչև ուսումնական օրվա ավարտը, կատարում է այցելություններ սպասարկվող տարածքում գործող կրթական հաստատություններ և նվազագույնը 2 ժամ իրականացնում է հանցագործությունների ու իրավախախտումների, ինչպես նաև միջանձնային հարաբերությունների պարզաբանման նախականիման աշխատանքներ.

6) անհրաժեշտության դեպքում իրականացնում է հանդիպումներ ծնողների և մանկավարժական կոլեկտիվների հետ նաև դասապրոցեսի ավարտից հետո:

7) կատարված աշխատանքները բովանդակալից գրանցում է սույն հրամանի N 2 հավելվածով հաստատված մատյանում: Այդ մատյանում գրանցում է նաև կրթական հաստատությունից դուրս և կրթական հաստատությունում միջանձնային հարաբերությունների պարզաբանման նախականիման աշխատանքները:

8) նախականիման աշխատանքների վերաբերյալ ամբողջական և հաշվառման հիմք չհանդիսացող տեղեկատվությունը 24 ժամվա ընթացքում գրավոր փոխանցում է անչափահասի փաստացի բնակության վայրը սպասարկող համայնքային ոստիկանության տարածքային ստորաբաժանմանը:

9) անչափահասի հետ աշխատանքներ իրականացնելու պարագայում համայնքային ոստիկանության ծառայողն անմիջապես իրազեկում է անչափահասի ծնողին, օրինական ներկայացուցչին կամ այն անձին՝ ում վրա դրված է երեխայի դաստիարակության և խնամքի պարտականությունը, իսկ համայնքային ոստիկանության տարածքային ստորաբաժանում տեղափոխելը կատարում է բացառապես վերը նշված անձանց ուղեկցությամբ կամ համաձայնությամբ՝ բացառությամբ Հայաստանի Հանրապետության օրենսդրությամբ նախատեսված դեպքերի:

10) իրականացնում է անչափահասների վրա բացասական ազդեցություն ունեցող անձանց բացահայտման աշխատանքներ:

11) իրականացնում է անչափահասների հնարավոր, այդ թվում՝ քրեածին հավաքատեղիների հայտնաբերման աշխատանքներ:

12) իրականացնում է անչափահասների կողմից իրավախախտումներ կատարելուն նպաստող պատճառների և պայմանների վերլուծություն:

3. Համայնքային ոստիկանության տարածքային ստորաբաժանման ծառայողը կրթական ուսումնական հաստատություններ ներկայանում է միայն համազգեստով:

4. Համայնքային ոստիկանության տարածքային ստորաբաժանման ծառայողը կանխարգելմանն ուղղված աշխատանքները կազմակերպում և իրականացնում է ինչպես անչափահասների, այնպես էլ անչափահասների ծնողների և մանկավարժական անձնակազմի շրջանում:

5. Անչափահասների միջանձնային հարաբերությունների պարզաբանման դեպքերի վերաբերյալ տեղեկատվությունը գրանցվում է սույն հրամանի N 2 հավելվածով հաստատված մատյանում՝ հետագա կանխարգելման աշխատանքները շարունակելու նպատակով:

6. Համայնքային ոստիկանության տարածքային ստորաբաժանման ծառայողն անչափահասների կողմից և անչափահասների նկատմամբ կատարվող հանցագործությունների և իրավախախտումների ընդհանուր կանխարգելմանն ուղղված աշխատանքների շրջանակներում Հայաստանի Հանրապետության օրենսդրությամբ սահմանված կարգով համագործակցում է պետական և տեղական ինքնակառավարման մարմինների, միջազգային և հասարակական կազմակերպությունների հետ:

Հավելված N 2
Հայաստանի Հանրապետության ներքին գործերի
նախարարության ոստիկանության պետ-ներքին գործերի
նախարարի տեղակալի 2024թ. դեկտեմբերի « 09 »
N 25 - Լ հրամանի

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅԱՆ
ՈՍՏԻԿԱՆ ՈՒԹՅԱՆ
ՀԱՄԱՅՆՔԱՅԻՆ ՈՍՏԻԿԱՆՈՒԹՅՈՒՆ

(ոստիկանության տարածքային մարմնի անվանումը)

Մ Ա Տ Յ Ա Ն

անչափահասների միջանձնային հարաբերությունների
պարզաբանման դեպքերի կանխման աշխատանքների գրանցման

Սկսված է « » 20 թ.
Ավարտված է « » 20 թ.
Թերթերի քանակը
Պահպանման ժամկետը
Հիմք: Հրաման կետ

Հ/Հ	Միջանձնային հարաբերությունների պարզաբանման կողմ հանդիսացող անչափահասներ (անուն, ազգանուն, հայրանուն, ծննդյան օր, ամիս, տարեթիվ և բնակության հասցե)	Կրթական հաստատության անվանումը	Ծագած խնդրի մանրամասն նկարագրությունը (ստացված տեղեկատվության աղբյուրի նշմամբ)	Անչափահասի փաստացի բնակության վայրի ոստիկանության տարածքային ստորաբաժանում փոխանցված տեղեկատվություն
1.				
2.				
3.				
4.				
5.				
6.				
7.				
8.				
9.				
10.				

Տեղեկանք կատարված աշխատանքների մասին

Աշխատանքի անվանումը և նպատակը	Ստանդարտի համարը (ՀՀ կառավարության հրամանով)	Ստանդարտի համարը	Ստանդարտի կատարման արդյունքները (հետև, արժեքներ, հարցեր, զեղչեր և այլն, առաջիկ և հետագայում)	Հ/Հ
				1
				2
				3
				4
				5
				6
				7
				8
				9
Կազմեց՝				

պաշտոն, կոչում, Ա.Ա.Հ

« » _____ 20 թ.